



“I te cherdí con to ennom” dij le Signur.

La ploania d'La Pli tól sō con ligreza te sōa comunité **Rosalie Feichter** (Cramer) y ti fej les miús aodanzas ai geniturs Elmar y Dolores: Idio, la Oma dal Ci y la Santa Patrona acompagneii Osta mōta con sōa benedisciun y proteziun.



La ploania ti fej a dūc i per de nosta comunité co festejeia eniann n **iubileo de matrimone** (25, 30, 35, 40 ... agn) les miús aodanzas de fortuna y benedisciun por i agn co á da gní, a ei y a sōes families: **Idio tigni sōa man sora de Os y Ves benedesci!**

1 Enformaziuns y termins

Comun de Mareo - ufizi: al ven lascé alessi che i ofizi de Comun é a disposiziun dla jont con chisc orars, **mo al va dagnora debojūgn da tó en apuntamont y da se tigni ales regoles de comportamont:**

- Ombolt:** Felix Ploner (dedemesaledema 9 - 11 y 15 - 17) 0474 503751
 - Secretariat:** Verena Ellecosta (lönesc, dedemesal. danmisdé y vendres) 0474 503752
 - Secretariat y personal:** Alexandra Craffonara (dal lönesc ala jöbia) 0474 503753
 - Secretariat y personal:** Rita Maneschg (dal lönesc ala jöbia) 0474 503749
 - Contabilité:** Roberto Castlunger (dedemesaledema y vendres) 0474 503756
 - Ufize Imi:** Rita Pedevilla (lönesc y dedemesaledema) 0474 503759
 - Ufize Cultes:** Margareth Rubatscher (dedolönesc y jöbia) 0474 503759
 - Ufize Tecnich:** Eduard Winkler (lönesc y dedemesaledema) 0474 503757
 - Ufize Lizonzes:** Silke Irsara (lönesc y dedemesaledema) 0474 503758
 - Ufize anagrafich y stat zivil:** Alfons Facchini (dal lönesc ala jöbia) 0474 503755
 - Ufize Protocol:** Alma Rindler (dal lönesc ala jöbia) 0474 503750
 - Polizist de Comun:** Hugo Sottrovich (dal lönesc al vendres) 0474 503754.
- Les e-mails y i numeri de telefonn dai ofizi ciafeise ince sōn www.comun.mareo.bz.it

Comun de Mareo – zenter de reziclaje: al ven lascé alessi che por döt le mens de november romagnará le zenter de reziclaje slüt le dedemesaledema domisdé. **Le vendres sarál davert dales 15:00 ales 19:30.**

Apel ala popolaziun da pert dal ombolt: la situaziun COVID-19 é ince te nosc comun entres plü seria. **Tignun adöm, fajun nosta pert y jun a fá i tescé, dai 20 ai 22 de november dales 7:30 ales 18:30 tla palestra a Al Plan.** Tai proscimi dis ciafareise deplü enformaziuns.

Döt le bun a: dūc chi co á santennom y compless i agn cōst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Ponsé da messei en iade dé jö cunt

Prov. 31, 10–13.19–20.30–31 | 1 Tess 5, 1–6 | Mt 25, 14–30

Dal Vangelo do San Mateo:

Te chel tomp ti á Gejú cunté a sū discepui cōsta parabola: ¹⁴Con le regn dal ci ésera desco con n el co é jū a fá en iade: Al á cherdé sū sorvidús y ti á afidé so avei. ¹⁵A önn ti ál dé cin' talenc, a en n'ater dui, endō a en n'ater önn, a vignōnn do sōes facoltés. Spo s'an él jū. ¹⁶Atira á le sorvidú, co á ciafé cin' talenc, motū man da trafiché empara y al n'á ciamó davagné cinch lapró. ¹⁷Ensciō n'á ince chel, co n'á ciafé dui, ciamó davagné dui lapró. ¹⁸Mo chel, co á ma ciafé n talent su, é jū y á ciaé n büsc te tera y á ascognū leite la moneda de so patron. ¹⁹Do cotan de tomp é le patron gnū derevers y orea fá cunt con sū sorvidús. ²⁰Danló él gnū chel, co á ciafé i cin' talenc, n'á porté cinch lapró y á dit: Signur, cin' talenc m'aste sorandé; ciara, i n'á davagné ciamó cinch lapró. ²¹So patron ti á dit: Brau, bun sorvidú fedel! T'es sté n bun aministradú tal pūch, i ô te sorandé deplü. Ví, tól pert ala ligreza de to patron! [...]

Oraziun dal de

Periun! Dio, fontana de döt le bun, tō es nosc Signur: láscesse odei ete, ch'i gnun plü ledi sc'i se sotmetun a tōa orenté, y ch'i ciafun la ligreza deplen sc'i romagnun fedei te to sorvisc.

Do cōsc te periunse por nosc Signur Gejú Crist, to Fi, co é Dio y vir y regneia con te tl'unité dal Spirit Sant por dūc i secui dai secui. – Amen

(Lezionar A)



Letōres dla gran festa de Crist Re:

Ez 34, 11–12.15–17 | 1 Cor 15, 20–26.28 | Mt 25, 31–46

Edema liturgica dai 15.11. ai 22.11.2020

| | | |
|--------------------------------------|---|--|
| DOM 15. | 33. domegna ia por l'ann De mondial dla poerté domegna dla Caritas FESTA DAI IUBILARS DA NOZA | <i>Albert le Gran, Leopold, Artur, Ilona</i> |
| 08:30 14:00 | gran messa por la ploania y por i iubilars da noza y söes families funziun dal Bato de Rosalie Feichter | |
| Lön 16. 18:00 | <i>Margareta, Otmar, Edmund</i> s.m. a Al Plan | |
| Ded 17. 07:30 | <i>Florinus da Matsch, Gertrud da Helfta, Hilda, Victoria</i> s.m. por † Jan Maneschg, da Poz s.m. por vis y †† Kehrer, Costamesana s.m. do intenziun de Alfons Obmascher, Valsperch | |
| Dem 18. | <i>Segra dles basiliches de San Pire y San Paul, Roman</i> | |
| Jöb 19. → 19:00 | <i>Elisabet da Thüringen, Metilde</i> s.m. por vis y †† d'La Costa dessora s.m. por †† de Blaje s.m. por la fam. Klaus Langes, Valsperch | |
| Ven 20. 07:30 | <i>Bernward, Korbinian, Edmund</i> s.m. a Al Plan | |
| Sab 21. 07:30 18:00 | <i>memoria de Santa Maria da Ierusalem, Jan</i> s.m. en onú de Santa Maria dal Bun Consei s.m. d'aniversar por † Jep Rovara, Plans s.m. d'aniversar por † Isidoro Pedevilla, Brach s.m. prefestia a Al Plan | |
| DOM 22. | GRAN FESTA DE CRIST RE ultima domegna dal ann liturgich FESTA DE SANTA ZEZILIA | <i>Zezipia, Salvatur</i> |
| 08:30 10:00 | gran messa por döta la ploania y por i Ciantadús <i>offerta por la ploania</i> s.m. a Al Plan | |
| <i>ampola:</i> | por i †† de Blaje | |
| <i>ministronc:</i> | • dedolönesc y sabeda: Nadine y Daniel • jöbia y domegna: Moses y Nadia | |
| <i>i recordun:</i> | Otto Paul Erlacher, <i>Bornech</i> † 15.11.2017 Isidor Pedevilla † 16.11.2010 Fonso Rovara † 16.11.2011 Signor Martin (Raimund) Mühlmann, <i>Wangen</i> † 16.11.2012 Heinrich Daporta, <i>Graz</i> † 17.11.2015 Erlinda Maria Rubatscher † 19.11.2016 Jep Rovara † 21.11.2017 | |



Ocio ai talenc (Mt 25, 14–30)

I ponsi do

La parabola s'ensegna che chi co adora bun i talenc ven premisés, mo chi co i ciáa ete dla tema ven cascés. La vita enstessa pita en gröm a chi co se proa y vaiga val por amur. Ara ven dla meseria sc'an ô s'la tigni por se enstes tal egoism y tla fraidité.

A düc gnarál damané cunt de cô ch'i án vit y de cô ch'i án aministré i talenc ch'i án ciáfé da Chelbeldio: la vita, la creaziun, les porsones encer nos ia, la fede y l'amur é scincundes. Nos ne sun nia i patruns de côstes mo sũ sorvidús.

I preii ensciö

I sun cosciant dai talenc che te m'as dé, Signur. I i cumpedi önn por önn y de por de m'anadá che t'as albü na gran creta te me. Ci n'ái pa fat de côstes scincundes? Ci nen feji pa dla vita, dla creaziun, dla fede che te m'as dé y dles porsones che te m'as motü dlungia por ti orei bun y les sorví? Deidemo meter averda da nia spaterlé ia côstes scincundes. Tegnemo dalunc dala tema y dala fraidité por ch'i ne ciái nia ete ci co dá vita y ligreza. Straverdemo dal egoism por ch'i ne trasformeii nia na scincunda t'en mio avei. Deidemo investí tal gran jüch dla vita por arichí le monn de engröm de talenc co porta löm y speranza.

Walter Cazzaniga, Parola amica – Il Vangelo della domenica per ragazzi



Domegna dla Caritas



Das Brot,

das wir anderen zu essen geben, wird uns sättigen.

Das Wasser,

das wir anderen zu trinken geben, wird unseren Durst stillen.

Der Kranke,

den wir besuchen, wird uns die Einsamkeit nehmen.

Das Wort,

das anderen Hilfe ist, wird uns trösten.

Die Kleider,

die wir anderen schenken, werden uns wärmen.

Die Hand,

die wir anderen hinhalten, wird uns versöhnen.

Die Freiheit,

die wir anderen ermöglichen, wird uns erlösen.



Oraziun dai maridés

Pere, i te dijun iolan che te s'as cherié önn por l'ater, che i s'án encunté y che i s'orun bun. Lascia cresce te nos l'amur, por che i se capiunse tres deplü y che i sunse bogn da se fá encontonc önn l'ater. Vigne der amur ven da te y condüj a te. Con cösc amur i aste tö dé a nosta vita n contegnü nō y n travert nō. Mostresse le der tru co condij a cösc travert y deidesse y acompagneisse sön cösc iade.

Gotteslob